



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

10. Mandatum Episcopi Apamiensis contra Regalistas.

urn:nbn:de:hbz:466:1-38277

Documentum X.

Mandatum D. Episcopi Apamensis, quo declarat nuper à se editas Constitutiones contra Regalistas, non obstante sententiâ D. Archiepiscopi Tholosani, executioni dandas esse.

Die 27. Octob. Anno 1677.

Fanciseus miseratione Divinâ Episcopus Apamensis, Charissimis & Dilectissimis Fratribus Ecclesiarum Cathedralis & Collegiatæ Dominae nostræ de Campo, Canonicis, Archipresbyteris, Rectoribus, Vicarijs, aliisque Personis Ecclesiasticis Salutem & Benedictionem. Intelleximus, quod non obstante inhibitione sub poena Excommunicationis ipso facto incurrendæ, contra Fratrem Joannem Franciscum le Juge (qui se Sacerdotem ac Religiosum Ordinis S. Augustini Professum nominari facit, prætendique Canoniciatum, ac Eleemosynarij officium in Ecclesia nostra Cathedrali, titulo Regaliae) à nobis edita, ne se in prædicti Canonicatus, ac Eleemosynarij officia, eorumque possessionem virtute Regij Chirographi ingerere præsummeret, eique insuper intimari fecerimus, nos interim omnia Juris media parare, ac experiri velle, quibus prætensa sententia D. Archiepiscopi Tholosani Constitutionem nostram die 28. Aprilis nullam pronuntiantis, pro irrita cassaque declaretur: imo quamvis de nullitate hujusmodi assertæ Tholosanae sententiae, tam quoad formam, quam quoad ipsam substantiam, alias evidenter constet. Quoad formam quidem, quia nobis nec auditis, imo ne citatis quidem pronuntiata est, in eaque declaratur, Constitutionem nostram præfatam legibus Regni contrariam esse; quod declarari

clarari ab eodem D. Archiepiscopo non potuit, cum limites eius potestatis excedat. Quoad substantiam vero, quia non licuit eidem D. Archiepiscopo Constitutionem revocare, aut irritam pronuntiare, quae nihil aliud, quam mera executio fuit Generalis Concilij toto Galliae Regno recepti, nec non Diplomaticab Alexandro VII. dati, Regisque literis confirmati, ac maximè conformis naturæ ac qualitati Beneficiorum Ecclesiarum nostrarum, quæ à primæva Institutione, ac fundatione sua Regularis fuit. Et tamen his omnibus non attentis præfatus Le Juge non omisit prælatorum Beneficiorum possessionem usurpare, cuius exemplum plures alij imitari forsan possent, eo prætextu, quod præfata Tholosana sententia, donec per Appellationem ejus effectus suspendatur, vires obtineat, obligetque. Nos igitur ob has similèisque causas ordinamus, ut tam dicto Le Juge, quam alijs omnibus, quorum intererit, intimetur, nos à prætensa illa sententia Tholosana legitimè appellasse, eamque Appellationem tam præfato Domino Archiepiscopo, quam etiam Tholosano Promotori, vigesimâ sextâ currentis mensis insinuâsse, atque ex Tholosana Cancellaria litteras obtinuisse, quibus certi reddebamur, actum Appellationis nostrâ tam dicto Le Juge, quam alijs omnibus, quibus necesse fuerit, insinuatum iri, ne videlicet ignorantiam prætendere possint, eoque prætextu immunes se credere, liberosque à Censuris, in Constitutione nostra prolatis, quas sub poenis ibidem contentis (ob notorios videlicet defectus, & nullitates in ea commissas, & alibi fusus à nobis deductas) iterum, quatenus opus fuerit, innovamus. Inhibemus etiam, iterumque interdicimus, prout in nostris Constitutionibus die 26. Aprilis, & 23. Octobris, jam inhibuimus, atque interdiximus Capitulis

Cathe-

gallia
indicata
G III
23.0

Nipponius

224 Dissert. I. § VIII. Documenta ex Gallico
Cathedralis & Collegiatae B. Virginis de Campo Ecclesiastico,
ne quemquam obtenuerit Regalia in dicta Beneficia
recipient, installent, &c. sub pena suspensionis ipso facta,
&c. Ipsos vero taliter provisos sub pena Excommunicationis ipso facta incurrendae, &c. Datae in Aedibus
nostris Episcopatibus die 27. Octob. Anno 1677.

Franciscus Episcopus Apamensis.

Notandum est, Anno 1677, die 22. Octob. similem ferè Constitutionem à Reverendissimo & Illustrissimo Episcopo Alcetensi editam fuisse, contra sententiam Officialis Metropolitanani Narbonensis, qui ejusdem Episcopi Mandata, Constitutiones, ac Censurae contra Magistrum Petrum Gaston irritas declaraverat.

Documentum XI.

Epistola Episcopi Alcetensis ad Regem Christianissimum.

25. Octob. 1677.

Mhi ultima vitae meae momenta numerant, & quid faciendum superfit, ut Divino Tribunali securus sis, animo repetenti, occurrit illa Christi Domini nostri sententia, quam jubemur: *Priusquam Sacrificium ad Altare offamus, fratri nostro, qui aliquid adversum nos habet, reconciliari.* Cum ergo jam tempus accedat, ultimum Sacrificium, hoc est, vitam meam Deo immolandi, credidi necessitatem mihi præcipue incumbere, placandi animum Majest. Vestra. Quam ab aliquo jam tempore, ob ea, quæ circa Regaliam contigere, oftensam mihi, aversamque experior; tamen possum Majestati Vestrae asseverare, me semper eo sensu animoque.